



## Aningaasanut Nunanullu Allanut Naalakkersuisoq

### **Aningaasaqarnermut Ataatsimiititaliap suliaq nr. 01.31.06/07-00270 pillugu ulloq 7. september 2007-imi aalajangiinera pillugu Naalakkersuisunut ilisimatitsineq.**

(Naalakkersuisut siulittaasuata ulloq 16. august 2007-imi aalajangiinerani imm. 2e)

### **Nuna tamakkerlugu sakialluut TB akiorniarlugu 2007-miit 2012-imut iliuuseriniakkatut siunniussat**

#### **Naalakkersuisut innersuussutigaa,**

- Aningaasaliissutit kontomi annermi 20.11.50-imiittut ingerlatsinermut sillimmatit 3.295.000kr-inik annikillineqassasut.
- Aningaasaliissutit kontomi annermi 32.10.05-imiittut Dronning Ingridip Napparsimavissuanut aningaasaliissutit 148.000 kr.-inik qaffanneqassasut.
- Aningaasaliissutit kontomi annermi 32.11.01- imiittut Sinerissami Peqqisaavinnik Aqutsisoqarfimmut aningaasaliissutit 255.000 kr-inik qaffanneqassasut kiisalu
- Aningaasaliissutit kontomi annermi 32.11.02-miittut ataatsimoorussamik aningaasartuutitut aningaasaliissutit nakorsaqaqarnermullu aningaasaliissutit 2.892.000 kr.-inik sakialluummut akiuiniarnermut atugassatut imikkoortitanik qaffanneqassasut.

#### **Aningaasaqarnermut Ataatsimiititaliap oqaaseqaatai**

Sakialluutip tuberkulosip (TB-p) akiorniarneqaqarneranut ukiunut tallimanut iliuusissatut pilersaarutip aallartisarneqaqarnissaanut 3,295 mio. kr.-it isummernissamat tunngavissiami matumani qinnuteqaatigineqarpoq. Maanna iliutsit naammanginnersa paasinarsisimanerat qinnuteqaammut tunngavilersuutaavoq, nunatsinnimi TB-ertut nunani siuarsagassani arlalinni TB-ertut sulii amerlaqatigaat. Taamaalillunilu kujataani tunumilu TB-ertunik misissuilluni angalanermi kingullermi meeqqat tupinnaannartumik amerlasuut TB-mik tunillatsissimasut paasinarsivoq. Meeqqat tunillatsissimasut Tasiilami 9,6 %-iupput, Narsami 17,9 %-iullutik, Qaqortumi 10 %-iullutik Nanortalimmilu 17 %-iullutik!

Kujataani nunaqarfiit tamarmik 2006-imi septemberimi TB-mik misissuisartunit tikkineqarsimasut isummernissamat tunngavissiami allassimavoq. Kujataani nunaqarfinni innuttaasut tamakkerlugit misissorneqaqarnissaat tikeraarnermi siunertaavoq. Nunaqarfinni innuttaasut 68 %-iinnaat misissorneqarput. TB-mik misissuinerit annertunerusumik peqataaffigineqartarnissaat siunissami qanoq qulakkeerneqarsinnaanersoq Aningaasaqarnermut Ataatsimiititaliap isummernissaanut tunngavissiami isumaliutigineqarpoq. Tassunga atatillugu TB-mik misissuinerimi annertunungaartumik peqataanikkut nunaqarfimmi innuttaasut namminneq peqqissutsiminnut akisussaaneermik takutitsinngippata aningaasaliissutit maangaannarnissaat aarleqqutigineqarsinnaammatt erseqqissassallugu ataatsimiititaliap pissutissaqarsora. Taamaattumillu misissuinerit nammineq piumassuseq aallaavigalugu siunissami pisarnissaat aamma nalilerneqartariaqarpoq.

**Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit  
**akuersissutigineqarput.**

Inussiarnersumik inuulluaqqusillunga

Augusta Salling  
Aningaasaqarnermut Ataatsimiititaliap siulittaasua